

INUIT ATAQATIGIIT

INATSISARTUNI



UKA 2013/140
19. november 2013
Ove Karl Berthelsen

Nunatsinni Kulturilerisut (isiginnaartitsisartut, nipilersortartut/erinarsortartut, eqqumiitsuliortut, filmiliortartut, atisaliortut/kusanartuliortut, atuakkiortut, il.il) ullumikkornit qanoq piginnaasaqarfii atorluarnerullugit nunarput tamaat isigalugu agguataakkamik aqqissuussamillu illoqarfinnut nunaqarfinnullu iluaqutaasumik inerititaqarnerunissamik uummarissaanissamillu siunertaqartumik atorluarsinnaaneri pillugit apeqquteqaat aallaavigalugu inatsisartunut oqallinnissamik siunnersuut.

(Inatsisartunut ilaasortaq Randi Broberg, Partii Inuit)

Qutsavigaarput inatsisartunut ilaasortap Randi Broberg, Partii Inuit-miit apeqquteqaat aallaavigalugu inatsisartunut oqallisissanngorlugu saqqummiusnaanut.

Inuit Ataqatigiit eqqumiitsuliorneq tamatigoortoq tamakkiisumik tapersersortuartuuaa aammalu aqqutissiussiniarnernik naalackersuinikkut aaliangiiffissanik saqqummiusiar-tuulluni aamma siunissami.

Oqallisissiami tikinneqartut ilisarnartuupput aammalu qanoq iliuuseqarfiginissaannut oqallinnissaq Inuit Ataqatigiinniit tamakkiisumik tikilluaqquarput.

Ajornartorsiut uaniingilaq eqqumitsuliortunik inuiattut amigaateqarneq, ajornartorsiulli uaniippoq eqqumiitsuliortortagut inuiattut siammasissumik najugaqariaatitta aqqani pe-riarfissanik tamatigoortunik inuiaqatigiittut eqqumiitsuliortortatsinnut tunniussisinnaaner-put killilertarmagu.

Inuit Ataqatigiit pinngitsoorumangilagut sumiiffinni tamani eqqumiitsuliornikkut inuiaqatigiinnut tunniussisartut qutsavigissallugit. Eqqutsumiitsuliortortavut anersaakkut inooqatigiinnitsinnut ulluinnarnilu ineriartortuarnissatsinnut pinngitsoorsinnaanngilagut.

Eqqumiitsuliorneq tunngavigalugu inuussutissarsiutiginiarneqarsinnaanera perorsaavigi-niarneqarsinnaanera naalackersuinikkut sulinit sinit eqeersimaarfiginiarneqarnerunissaa Inuit Ataqatigiit isumaqatigaarput.

Qanoq iliuuseqarsinnaanermut tunngavissat arlalinnik periarfissaqarnera annertunerusu-mik inerisarneqarnissaa oqaloqataaffigerusupparput.

Takornariaqarnerup inerisarneqarnerani annertuumik eqqumiitsuliortortatta atorneqarne-runissaat inerisarneqartariaqarpoq, nuannaarutigalugu maluginiarpaput piffinni arlalinni taamatut ineriartortitsilerneq aallarnisarneqartoq, tamannalu annertusarneqartariaqartu-tut isigalutigu.

Ilinniartitaanerup iluani naalackersuisut akissutaat iluarisimaarnarput, tassami ilinniarti-taanikkut anguniakkat Ilinniartitaanermullu pilersaarutip II-iup suliarineqarnerani ilan-ngunneqarnissaat ineriartuutaasumillu suliaqarnissaaq peqataaffigissavarput, tassuuna eqqumiitsuliortut annertunerusumik periarfissikkumallugit.

Meeqqat atuarfiat pillugu peqqussummi § 35, imm. 2 kommunini atorluarneqarneruler-nissa pillugu Naalackersuisup suliniuteqarniarnera tamakkiisumik taperserparput, tassa-niimmammi eqqumiitsuliortunut annertunerusumik kulturikkut meerartatsinnut tunniussi-sinnaaneq taasumalu nassatarissallugu eqqumiitsuliortortatta aningaasarsiorfigisinnaa-saannik annertusaaneq.

Naalackersuisut kulturikkut sunngiffimmilu sammisassaqtitsinikkut aqqissuussineq maanna atuuttoq 2002-meersoq suliniuteqarfiginiarmassuk iluarisimaarparput.

Inuit Ataqatigiit kulturikkut suliniarnerit tamakkiisumik pingaartitariuartuuvagut aamma aningaasanik naleqassagaluarpataluunniit, taamaammatt pinngitsoorusunngilagut eqaas-sallugu qanorluniit Naalackersuisut akissumminni kulturimut tunngassuteqartunik pi-ngaartitsinermittit ersersitsiniarnerat tapersersorlugu suleqataaffiginiartigigaluarutsigu, taamaattoq aanna saneqqukkuminaatoq.

Aningaasanut inatsit tallimannngormat 15.11.13 akuersissutigineqartoq innersuussutigis-sagutsigu taava pitsaanerusequmik sullissinissamut isumalluarsinnaanerput annikitsuaraar-suuvoq, tassami aningaasarpassuarnik kulturimut suliniarnernut atugassarisaat annikil-liliiffigineqarput.

Inuit Ataqatigiit oqallilluarnissamik kissaateqarluta, tamatumalu kingunerisaannik eqqu-miitsuliornikkut suliniarnerup timitalimmik tapersersorneqarlernissaannik piumasaqarluta oqaaseqarpugut.